


上座錄

中ノ上



漢書門類		一〇〇二七	號
架	函	七三	冊
七	〇	七	冊

漢書類		〇〇二七	號
架	冊	四七	函
三	一	面	冊

內閣文庫	
番號	漢 10027
冊數	7 (3)
函號	311 53

釋家九号

共七



慶元府阿育王山廣利禪寺

語錄

侍者

德惟

似涇

如阜

編

慶元府請疏


朝散郎集英殿修撰知慶元軍府事兼

管内勸農使兼沿海制置使陳昉撰

右伏以尊者放光明指八祥六勝之地育王

捧舍利現十洲三島之區箇是釋迦古道場

直須覺土正丈室選從四衆斷自



九重虛堂，愚公長老禪師，慧海慈航，宗門心印，堂虛貯明月，絕無片點塵埃，林邃撼清風，掃盡諸般障礙，遍主浙江名利，暫眠靈隱，閑雲好向玉几峯橫出，一枝便據金獅座，旁行四句東歸，衣錦再傳鷲嶺之燈，北面辦香仰祝。

聖人之壽謹疏

師寶祐四年四月初七日在靈隱鷲峯庵受

請十九日入寺

指山門道末及處，方便儘多，只是易見難入，諸人氣宇如玉，莫認門頭戶底，指佛殿老子，傍若無人，到處稱尊，今日自知，理虧還我一坐具地，展具云，大衆退後，據方丈橫按拄杖云，莫有生而知之者，麼，入來我者，裏買帽，相頭不比盲柳，暗棒靠拄杖，師至法座前焚香望。

闕謝

息畢捧

勅黃示衆云約束萬象聳動人夫風雲會合
來自日邊縱饒海口亦難宣

拈制府疏宜發聖人之妙如春行萬國豈在
乎三寸筆端重新點出苟或尚存知解高聳
聽官

拈諸山疏剎竿標處鐘梵相聞要知暖氣相

噀總在裏許

拈山門疏同門出入未嘗謾你諸人苟或粉
飾太過山僧只得掩耳

指法座人人脚跟下有此座子何必平地昇
高你若踏得著燈王退身有分

師陞座拈香云此一瓣香爇向爐中恭爲祝
延

今上皇帝聖躬萬歲萬歲萬萬歲陛下恭願

堯仁廣被舜德日新

次拈香云此一瓣香藝向爐中奉為

大丞相樞使國公同知樞密參政相公洎文

武百僚增崇祿筭伏願尊崇廓廟撫鎮華夷

次拈香云此一瓣香藝向爐中奉為

判府制帥集撰侍郎洎郡縣文武官僚增崇

祿筭伏願柱石邦家金湯祖道

此香絕氣息者久矣無端煖著冷灰重新騰

齋奉為前往安吉州道場山護聖萬歲禪寺

先師運庵和尚藝向爐中用酬法乳

師斂衣就座索話人天交接兩得相見莫有

不承言不滯句底麼時有僧問一般擔板得

人憎十載深雲獨掩宿今日大方親棒

阿師真箇藥頭靈學人上來請師祝聖師

云雲靜日月正僧云昔日梵主請佛蓋為羣

生今朝聖主特差有何祥瑞師云天高蓋

不盡僧云與麼則四象靈息去也師云誰不
 承息僧云只如判府制師集撰侍郎以忠正
 剛大之道為法擇人還許學人借水屬花也
 無師云迦葉門前風凜凜僧云若如是則各
 滿天下去也師云你不得忘却僧禮拜
 師乃云黃面老漢未上放乖向靈山會上萬
 百眾前以佛法付囑國主大臣有力檀那迨
 今二千餘年代不乏賢使我沙門釋子得以

流通慧命仰助國風若謂佛法果有付囑則
 謗於黃面老子若謂佛法果無付囑則今日
 王舍城中君聖臣賢迥相欽奉以致海內生
 靈無不同瞻麗正之光松栢之茂畢竟以何
 為據卓拄杖南嶽峯頭八字碑
 復舉本朝太宗皇帝因僧朝見帝宣對僧奏
 云陛下還記得否帝曰何處相見來僧云自
 從靈山一別直至于今帝曰以何為驗僧無

對後來雪竇代云貧道得得而來師云垂衣
 端拱百國來賓者僧不是無對無奈天威逼
 入本師大寂是帝因會師長帝宜德會矣
 當晚小參今夜略去佛法玄妙機關單單與
 諸人說些細大法門以表進寺識面之初諸
 人又不可作等閑入在情識裡胡卜亂卜若
 說舍利初自鳥石嶺頭飛入山中放光現端
 此又是不出諸人共知若說六殊勝地自寶

懽市四十五里直到明州此又是不出諸人
 共見作麼生得不落知見去所以道法離見
 聞覺知若行見聞覺知是則見聞覺知非求
 法也况古鄮禪叢俊衲如市箇箇附託得人
 誰肯受你者般祭鬼飯食驀喚侍者云收起
 鞏縣茶餅相公蓋指實也之不相者大是教
 復舉陳操尚書一日同衆官登樓遙見數僧
 中間一士云來者總是行脚僧尚書云不是

五十五

士云焉得知其不是尚書云待近與諸公勘
過須臾僧至尚書召云上座僧悉舉首尚書
云不信道師云盡謂清明之下昧者尤多殊
不知壺中天地別有日月山僧此者來赴育
王首見帥府節齋陳侍郎一問一答和氣滿
前要且無許多勘辨且道與陳操尚書相去
多少卓拄杖情閑崑樹看愈好室靜澗泉聞
轉幽

行禮到大慈請上堂見不見之非對揚有準
察不察之色撈揀無垠若能轉向那邊鴉飛
不度不以形器拘不以色塵礙自然超諸聖
塵出大方表溪山雲月處處同歸水鳥樹林
互相顯發然雖如是爭柰我慈峯老子未肯
橫點頭在何故卓拄杖壺中自有佳山水終
不重尋五老峯
復舉堂頭物初和尚舉五祖道如何是祖師

西來意庭前栢樹子。恁麼會便不是了也。如
 何是祖師西來意。庭前栢樹子。恁麼會。方始
 是師云。五祖當時一時落草。自謂土曠人稀。
 殊不知今日被慈峯老子。掐定咽喉。直得無
 取氣處。育王到此。客聽主裁。只得放過。何故
 人情做得冤家結得。

仗錫和尚至上堂。舉盤山似地擎山。不知山之
 孤峻如石。含玉不知玉之無瑕。若能如是。

是真出家師云。盤山其實只要出家兒。萬法
 不相到。山僧昔寄霞谷。與辣林老子也如是。
 別去一十餘年。今日相見亦如是。且道其串
 意作麼生。卓主丈如是而已矣。

解夏小參。防微杜漸。深切著明。也是無風而
 雨之波。更若立制安居。何異破珠求影。衲僧
 家智游象外。妙八環中。點破生佛。未與不落
 古今窠臼。說甚麼。鰻湫瀟潔玉。九高寒直饒。

舉得頭來。早是枯桑變水。育主恁麼。告報不
 出常情。只如剋期取證。一句又作麼生。卓主
 文善學柳下惠。終不師其跡。
 復舉雲門。示眾平地上死人無數。出得荆棘
 林者。是好手。時有僧出云。恁麼則堂中第一
 座有長處也。門云。蘇廬蘇廬。師云。雲門大似
 任公子。設以五十犗。投竿釣東溟。山僧尋常
 善於包荒。不欲宣人之過。因甚如此。擊拂子。

何官無私。何水無魚。

次日上堂。長期百二十日。短期九十日。夏月
 蟲蟻多。黃面老子恐你東走西走。殺生害命。
 故立制以禁之。今朝期滿。鄮峯門下。未嘗有
 一人敢容易下脚。何故。卓主丈。恐踏著犯突
 吉羅罪。

徑山石溪和尚遺書至。上堂。雞足峯前黃梅
 渡。逗到冷泉。幾掣肘。若謂凌霄非正傳。畢

竟衣法屬誰手野犴鳴獅子吼虛空昨夜翻
筋斗
上堂舉讓和尚問馬祖云汝學坐禪爲學坐
佛若學坐禪禪非坐卧若學坐佛佛非定相
於無住相不應取捨師云南嶽引馬祖入牛
角裏作老鼠活計忽然得箇出路却笑南嶽
坐在裏許

上堂天寒人寒大家在者裏與麼會得鐵板

障也須退縫不然本擬屠龍翻成射虎

上堂舉嵩頭見德山便問是凡是聖德山便
喝頭便禮拜後來洞山聞云當時若不是
公也大難承當嵩頭聞云洞山老漢不識好
惡錯下名言我當時一手搵一手搵師云巖
頭大似明上座趁盧行者到太廋嶺頭却回
向同伴道此去杳無消息
上堂舉雪峯示衆望刑亭與汝相見了也烏

石嶺與汝相見了也。僧堂前與汝相見了也。
 師云：莫恠坐來頻勸酒，自從別後見君稀。
 上堂：元宵謝知事。僧問：有句無句，如藤倚樹。
 此意如何？師云：掬水月在手，弄花香滿衣。僧
 云：樹倒藤枯，句歸何處？師云：拖却黃金棒，
 碌覲僧云：瀉山放下泥盤，呵呵大笑。又作麼
 生？師云：天堂未就地獄先成。
 乃云：今歲元宵，別家放十分之燈，與民同樂。

唯有鄮山堂殿廊廡半明半滅，往來者與露
 柱交肩，燈籠鬪額。燈明主閉得出來，欲顯發
 本光作大佛事。山僧與之震威一喝，何故自
 有僧知事，何勞強出頭。
 雪竇和尚至上堂，金輪峯頂錦鏡亭邊，有一
 句子殃害天下，衲僧未有。一人點校得出育
 王，又日樺來唇，豈容緘默。且道是那十句卓
 主文，見說前村風更惡，杏花無處避春寒。

佛涅槃上堂大覺世尊爲見衆生執妄爲本
當百花明媚萬葆敷榮示以入滅之相汝等
比丘若能於此著得一隻眼釋迦自釋迦波
旬自波旬

上堂舉藥山看經次有僧問和尚尋常不許
人看經爲甚麼却自看山云我只圖遮眼僧
云某甲還看得麼山云你若看牛皮也須穿
師云師不如弟子

摘茶次清涼和尚至上堂僧問瀉山摘茶次
問仰山云終日只聞子聲不見子形仰山撼
茶樹意旨如何師云錢出急家門僧云瀉山
云子只得其用不得其體師云出門不用頻
叮囑僧云仰山云未審和尚作麼生瀉山良
久仰山云和尚只得其體不得其用師云子
爲父隱僧云瀉山云放子二十棒師云手臂
終不向外曲

乃拈云趙州曾問南泉老禮拜燒香只舊時
若是清涼萬菩薩等閑聞箸也攬眉
結夏小參旃檀叢林旃檀圍繞折之則片片
皆香荆棘叢林荆棘圍繞揀之則枝枝可畏
故我釋迦老子以平等性智攝諸比丘回入
大圓覺海於一百二十日長期之內撈揀澄
灑成就慧身要且不見有禁足安居之相今
正是時合作麼生卓拄杖竹杖化龍去癡人

岸夜塘

復舉永明壽禪師在天台韶國師會中普請
次聞墮薪有聲豁然契悟乃云撲落非他物
縱橫不是塵山河并大地全露法王身師云
壽禪師大似窮儒登羣玉之府無不稱心滿
意只是中間有一字子未穩
上堂謝秉拂夏齋一稱南無佛皆已成佛道
若說到金輪水際崑崙山椒功歸何所擊拂

子吽吽有甚饌饌餽子快下將來

上堂舉僧問香林如何是室內一盞燈香林

云三人證龜成鱉師拈云香林二十年雲門

侍者向紙衣錄中得此句子育主則不然忽

有人問只向他道皇天無私惟德是輔

石帆和尚至上堂舉雲門行脚到九江陳操

尚書請齋次問云儒書即不問三乘十二分

教自有講師如何是衲僧行脚事門云曾問

幾人來書云只今問上座門云只今且置你

麼生是教意書云黃卷赤軸門云此是文字

語言你麼生是教意書云口欲談而辭喪心

欲緣而慮忘門云口欲談而辭喪為對有言

心欲緣而慮忘為對妄想你麼生是教意尚

書無對門云聞公曾看法華經是否書云不

敢門云經中道治生產業皆與實相不相違

背且道非非想夫今日有幾人退位書又無

對門云尚書且莫草草師僧家拖却十經五
 論特入叢林十年二十年尚不奈何尚書爭
 得會書云某甲罪禍便作禮師云陳操尚書
 前面數語勘雲門未盡後面數語勘盡雲門
 今日忽有人問育王如何是行脚事只向他
 道我與石帆老子十餘年走遍天涯海角尚
 自不知今日再會又是二十年贏得牙疎鬢
 白說甚麼行脚事待他擬議便與一喝何故

覓火和煙得擔泉帶月歸

上堂空山無人水流花香鷺子滿慈泯其智
 辯鬪婁師曠黜其聰明何也識法者懼
 上堂舉龐居士因賣漣籬下橋遭擲女子靈
 照一見就父身邊卧士云作甚麼女云見爺
 倒地急來扶起師云虎憎雞鷄聞者畏之後
 人衡鑑不高喚作二俱弄險
 結夏小參破有法王有大陀羅尼門名為圓

覺能成就一切種智破壞一切法門於夢幻
影邊聚集四方衲子九十日內立期立限決
要打破漆桶成就慧身雖然只如西夫制令
還有者消息也無卓拄杖李廣神箭張顛草
書

復舉朱行軍一日入南際寺齋僧行香次以
手爐搖曳云直下是直下是時有僧云直下
是箇甚麼行軍便喝僧云行軍是佛法中人

問着便惡說行軍云你作惡說會那僧便喝
行軍亦喝云鈎在不疑之地復喚左右認取
者僧著師云人言王母池邊有一株樹名曰
蟠桃三千年開花三千年結果更待三千年
方纔成熟且道與行軍有相見分麼卓拄杖
參

雪竇謙和尚遺書至上堂敲雲夢破漱玉舟
移乘時撥轉虛空大地了無寸土故我妙高

孤頂大歇老人和麩糶麵起中峯已墜之宗
 嗅土吹沙瞎松源為人之眼秤槌覓汁浚出
 痛腸箇般生滅惡冤家萬古千秋終不死
 上堂諸方多說見地鄮峯只論宗旨見地明
 則為見地所奪宗旨通則為宗旨所執如今
 要討一箇見地不明宗旨不通底出來做松
 源直下火種不亦難乎
 解夏小參百二十日長期孜孜矻矻俊鶻巢

雲二千年舊話從新黑牛臥水與麼會則庵
 中之細猶為易細中之細猶為難故我竺土
 老師檢身不謹以已方人致令未代比丘太
 半以鯁為目育主一眾善觀時變盡在規矩
 之外何故卓拄杖有時拾得溪頭石帶蘚和
 雲枕綠陰
 復舉翠岳靈像禪師示眾云一夏與兄弟東
 說西話看翠嵩眉毛在麼保福云作賊人心

虛長慶云生也雲門云關師云三大老各出
隻手要扶樹翠嵩門戶以報雪峯爭柰只解
同心不能同志

謝兩班上堂龍得雲則靈虎得風則威叢林
得人則綱自正法令嚴自然上下安其居所
以然者何也卓拄杖歲寒知松柏之後凋
中秋上堂人間無天上有徃徃無人脫窠臼
四海娟娟洗玉魂九野茫茫白兔走寒山子

不關口也落馬駒羣隊後

上堂舉徑山法濟和尚因僧問掩息如灰時
如何濟云猶是時人功幹僧云幹後如何濟
云耕人田不種僧云畢竟如何濟云禾熟不
臨場應庵和尚拈云鳳閣香沈雪巢夜冷半
窓明月和氣藹然師云一人要負貧不得
人要富富不得要知貧富不相當且請各歸
本位立

達磨大師忌拈香赤幡隨行自謂神機莫辯
及到白鷺洲頭死在老蕭言下聲沈魏國影
脫孤龕當法門垂秋之際痛思已往之蹤薦
此溪毛少伸追遠霜飛大野木落崇崗膽裂
心摧未話先相
冬至小參氣潛回八角磨盤空裏走六夕纜
動無毛鷓子貼天飛是他時節因緣不逐四
時消長袖僧家眼睜睜地坐在者裏直饒向

葭灰未動已前會得西川鄧師波東山下左
邊底也未是枯木開花底時節何故卓拄杖
冬不寒臘後看
復舉古德因僧問如何是冬來事德云京師
出大黃師云朕聞上古其風朴略王言如絲
誰敢不聽忽有人問鄧山只向他道風門海
口當風抵浪也須是箇人始得
新夫童自蔣山來上堂鏡容鷹爪面自可憎

掉發南嶽下山教化從史檇林對御講經不
守疆界于犯清平滅得中峯正法眼破沙盆
子話方行

上堂舉長生問靈雲混沌未分時如何雲云
露柱懷胎生云分後如何雲云如片雲點太
清生云未審太清還受點也無雲不答生云
怎麼則含生不來也雲亦不答生云直得純
清絕點時如何雲云猶是真常流注生云如

何是真常流注雲云似鏡長明生云向上還
有事也無雲云有生云作麼生是向上事雲
云打破鏡來與汝相見師云天下具太眼自
宗師盡謂打破鏡來與汝相見爲之極則殊
不知山深水寒客程稍遠要知一二老膠漆相
投先須會取兩處不答
除夜小參舊去新來懶送迎巖間塚下見枯
形忍成殘臘半宵夢坐對寒檠兩歲燈恁麼

告報已落今時不涉功勳如何舉似老僧今夜忍俊不禁向爆竹未鳴已前與諸人開一條活路子也教諸人知道來日定是大年朝其或未然西河弄獅子

復舉米胡訪王常侍值判事次常侍纔見舉筆示之胡云還判得虛空麼侍擲筆歸宅堂米胡致疑次日憑華嚴置茶設問米胡和尚有何言句不得相見侍云獅子咬人韓獹逐

塊米胡聞得出來大笑云我會也侍云試道看胡云請常侍舉侍乃舉起一隻筋胡云野狐精侍云者漢徹也師云米胡當時纔見舉筆便入客位管取為席上之珍無端再設茶筵累他華嚴腦門着地只如常侍道者漢徹也那裡是他徹處試下一轉語看
正旦上堂時遷物換草故鼎新土膏未動商量打春大公有意垂釣夫子無心獲麟

上堂舉藥山與道吾雲禹遊山次見樹兩株
 一枯一榮山乃問榮者是枯者是雲嵩云榮
 者是山云若恁麼一切處光明燦爛去道吾
 云枯者是山云若如是則一切處放教枯淡
 去忽高沙彌至山亦如是問彌云榮者從他
 榮枯者從他枯山乃顧道吾雲嵩云不是不
 是師云藥山道箇不是不是減他道吾雲巖
 多少威光

上堂各各本有靈覺妙明真體但以已見所
 障不能橫戈直造不疑之地盖由淬勵之工
 不切所以隨在滲漏作麼生得靈鑑現前去
 老僧不惜眉毛與汝諸人去此見障擲下挂
 杖
 因事上堂天之有雲也可以蔽日月降甘雨
 地之有水也可以濟舟楫潤焦枯人之有心
 也可以興禍福制剛柔三才既明理歸一揆

唐書 卷一百一十二

所以然者何也卓挂杖大鵬展翅盖十洲籬
邊燕雀空啾啾

上堂舉趙州聞沙彌喝參州云侍者教伊去
沙彌珍重便行州謂旁僧云沙彌得入門侍

者在門外師云逼生蚕作繭則易要特牛產
兒較難

師寶祐戊午六月十四日羅難七月十三日
恭奉

聖旨與免無辜謝事上堂都省羅太尉繳上
謹

奏以謝去時曉露消祥暑歸日秋聲滿夕陽
息渥重重何以報望無雲處祝

天長

竹扶元切衣無色

天長... 恩... 遠... 壽... 皇... 上堂... 大... 燦...

栢巖慧照禪寺語錄

侍者 似藻 編

師於景定元年八月二十五日入寺

上堂僧問曇花易見知識難逢學人上來請

師祝聖答云突出威音那畔看問云寶壽開

堂三聖推出一僧寶壽便打此意如何答云

劔閣路雖險夜行人更多問云三聖云恁麼

為人非惟瞎却者僧眼瞎却鎮州一城人眼

去在寶壽擲下拄杖便歸方丈又作麼生答云更把金鍼密密縫問云和尚今日開堂祝聖忽有人推出一僧又作麼生答云燒牛屎香供養他未為分外問云因甚如此答云蓋他是本色衲子僧禮拜

師乃云天理好還是處溪山舒笑眼羣心響應信知此道不誣人所以真不掩偽曲不截直自然草偃風行太平得路只如親到栢巖

一句又作麼生卓拄杖青松不礙人來往野水無心自去留

復舉須菩提巖中宴坐諸夫雨華讚歎尊者云空中雨華讚歎復是何人云我是梵天尊者云汝云何讚歎天云我重尊者善說般若波羅蜜多尊者云我於般若未曾說一字汝云何讚歎天云尊者無說我乃無聞無說無聞是真說般若波羅蜜多又復動地雨華雪

寶云避喧求靜處世未有其方他在岳中冥
坐也被者一隊漢塗糊伊更有者老把不住
問云空中雨華讚歎復是何人早見敗闕了
也我重尊者善說般若波羅蜜多惡水驀頭
潑我於般若未曾說一字草裏走尊者無說
我乃無聞識甚麼好惡總似者般底何處有
今日復召大衆云雪竇幸是無事人爾來者
裏覓箇甚麼以拄杖一時趲下師云雪竇雖

不善其兵機要且暗合孫吳今日相崑開堂
祝聖因甚無人雨華供養擊拂子賊不入慎
家之門

開爐上堂舉古德道法昌今日開爐行脚僧
無一箇惟有十八高人緘口圍爐打坐師云
法昌解使不由家富貴風流豈在著衣多相
崑今日開爐不用聚集泥像暗地裡勝他一
籌何故版齒生毛老古錐夜深聽水爐邊坐

謝首座上堂卓拄杖死盡天下衲子偷心方
稱此題自卓拄杖死盡天下衲子偷心轉向
那邊猶隨功勳邊事作麼生得恰恰相應去
卓拄杖入天眼自堂中上座
正旦上堂一年又一年循環數不足本分面上
人猶如隔羅縠惟有南極老人扣天鼓三下
望北闕而祝何故卓拄杖願我王萬福
栢巖語終

臨安府淨慈報恩光孝禪寺語錄

侍者 至源 文衡

編

師景定五年正月十六日入寺

指山門外闔不閉跨天下而無斬會得許你

陞其堂入其室

指佛殿巍巍萬德之尊卷舒出沒方便惟多
是汝諸人因甚不見如來頂相咄只緣太近
師至法座前焚香望

闕謝

息畢捧

勅黃示眾云世尊三昧金口玉音親付囑紫
泥芝檢九重城裏鳳銜來再霑雨露之恩光
闡法門之盛聲前妙證聳動羣心
諸山疏煙慘淡石玲瓏面面廝覷千峯萬峯
一團和氣在其中

指法座法以空為座舉步則釋迦在前彌勒

在後且道中間底說甚麼法驟步登座

師陞座拈香云此一瓣香藝向爐中恭為祝

延

今上皇帝聖躬萬歲萬歲萬歲陛下恭願
天基求茂辨日長明載歌周雅之詩三聽華
封之祝次拈香云此一瓣香藝向爐中恭為
中宮皇后聖躬萬福
此一瓣香恭為

皇太子殿下增崇福壽

此一瓣香奉為

太傅宮師樞使太丞相國公大參相公大參相公樞密相公合朝文武百僚同增祿筭伏願

高扶堯舜下視伊周集千載之雅風鎖萬邦之春色此一瓣香奉為

判府安撫提鎮太卿都運殿撰太卿洎郡縣

官僚同增祿筭

次拈香云此是

門司提舉太尉恭奉

聖旨送入寺間趙州八十行脚因緣用資祿

筭

此香多是貴買賤賣罕遇南番舶主今日人天普會不敢囊藏藝尚爐中奉為

前住安吉州道場山護聖萬歲禪寺先師運

庵和尚用酬法乳
師歛衣就座乃云大覺世尊在靈山會上以
人天性命之道付囑國主大臣有力檀那外
護流通母令斷絕令則人天普會祝
聖開堂莫有領得此旨者麼時有僧問頂門
具眼耀乾坤聲價轟轟四海聞丞相面承
天子問九重飛詔出深雲中興祖道正在茲
時一旬投機願聞祝一聖師云南山朝北闕

夜夜觀明星僧云只將一味無心法仰祝堯
天舜日明師云風靜日月正雪晴天地春僧
禮拜
師乃云春入湖山先放花明御苑人歸上國
南山鶴唳青松壯皇都人傑地靈窺紫府洞
天風月透聲透色絕類離倫不妨垂手入塵
畢竟難逃至化且望闕酬息如何祝贊擊拂
子版圖遠奏堯天闊萬物呈祥樂聖情

復舉本朝，太宗皇帝因僧朝見，帝賜坐問云：卿甚處來？僧奏云：廬山。卧雲庵。帝云：卧雲深處，不朝天，因甚？到者裡，僧無對。後來雪竇明覺大師代云：難逃至化師云：明覺固是食息不忘，當時若問臣僧，卧雲深處不朝天，因甚到者裡，但鞠躬近前，奏云：請陛下高垂天鑑，管取皇情大悅。

出天道好還如何？是為人底句。師云：劍握齧人手。僧云：只如德山小參，不答話。趙州小參要答話，此意如何？師云：布袋鄭頭相似。重僧云：學人今夜小出，大遇師云：你得箇甚麼？僧便喝。師云：果然。僧禮拜。師拈拄杖云：者裡便是妙高孤頂，何須別峯相見。風颼颼，水冷冷。衲僧家，蹉眼不得。若說隔江招手，便乃橫趨。已是落他影子，更言今

夜答語不答話漫夫網子阿誰不知既知得
 分曉只如都城有十二座門從朝至暮車馬
 駢闐衣冠文物出入無間且道各各所持者
 何事若也知得今夜相見功不浪施其如不
 然卓拄杖凌空鐵塔鎮長存夜深誰聽風甌
 語

復舉慈明因泉大道來參明云片雲橫谷口
 遊人何處來泉云夜來何處火燒出古人墳

明云未更道泉便作虎聲明打一坐具泉
 推倒慈明明亦作虎聲泉退身笑云我參七
 十餘負善知識惟師可以繼得臨際正宗師
 云叢林中徃徃道慈明當時未後更與一喝
 使泉大道無立地處是則是殊不知有際天
 之洪濤可以容吞舟之魚夜深久立
 結夏小參竺土大仙於九夏之月布漫天網
 子籠絡天下衲僧謂之禁足護生剋期取證

致於南山內堂外堂排單下榻箇箇如坐鐵
椀捱得期滿各人要箇禪鈔子以憑賞勞雖
然忽若有箇漏網底向未立制已前山邊水
邊說東話西驀然蹉口道着爺名又作麼生
急急出來下一轉語卓拄杖云收功較易補
過較難等次遊山遊水又難辨別初五宗時
復舉雪峯領衆到淨江乃問云欲寄二百僧
過夏得否淨江以拄杖畫一畫云着不得師

云奸峭互陳對面千里有人寄僧過夏南山
大開東閣何故彼此出家兒

聖萬壽禪寺語錄

臨安府徑山興 參學 惟份 文愷 編

師於咸淳元年八月二十五日辰初進寺指
山門此山無路及門者誰會得擺手同歸不

然隨我來

佛殿釋迦掩室於摩竭因甚坐在者裏炷拜

勒渠齊之以禮

方丈虎頭燕頰鳥嘴魚頰盡向者裏納款

且道者裏是甚麼所在卓拄杖
勅黃有意退攔無心耕牧
九重降勅如萬國春回一道
息光似千日並照法門騰煥
巖壑生秋府疏日出而作日
入而息熙熙然如登春臺
且道承誰恩力拈起疏云聽
諸山疏出山而見入戶而知
雞棲鳳巢隣壁之輝何必區
區點綴伊

山門疏勤儉起家叢林麟鳳入門
一見和氣可掬知心不在頻叮囑

法座諸佛出世祖師西來總離者
座子不得若信得及各自散去
不然更登一遍供養諸人

師陞座拈香云此香爇向爐中
恭為祝延今上皇帝聖躬萬歲
萬歲萬歲陛下恭願金輪統御
踵二代之淳風寶曆開祥享萬年

之景運 次拈香云此香熟向爐中恭為

皇太后上資聖壽恭願

母儀天下子育生靈扶持社稷之功毘贊聖

明之化此香熟向爐中恭為

今上皇后兩宮天眷恭願

萬年松壽千歲鶴齡道贊

明君功資

帝業

此香熟向爐中奉為

太傅大丞相樞使國公大參相公大參相公

樞密相公合朝文武百僚同增祿筭伏願

德安四海威肅三邊

此香熟向爐中奉為

判府安撫提領大監侍郎都運敷文提領侍

郎郡縣官僚同資祿筭伏願

股肱清朝橐籥黎庶

此香奉爲

前往安吉州道場山護聖萬歲禪寺先師運

菴和尚用酬法乳

師歛衣就座乃云動絃別曲落葉知秋是你

衲子知有邊事因甚黃河向北流會得物理

䟽通不然有疑請問時有僧出問金雞唱曉

玉鳳銜花一句投機請師祝

聖荅曰澗底青松有茯苓僧曰如是則九州

四海雷動風馳荅曰巢知風穴知雨僧曰如

何是第十句荅曰却是第二句僧曰如何是

第十句荅曰須彌山僧曰怎麼則葵心向日

傾荅曰知息人難得僧問太宗皇帝因僧朝

見僧奏曰陛下還記得否此意如何荅曰將

經寺裏彈僧問帝曰何處相見來僧曰自從

靈山一別直至如今還端的也無荅曰來風

可鑑僧問帝曰以何爲驗僧無語又作麼生

荅曰生鏤秤鏤被蟲蛀僧曰只如今日祝聖
 開堂有何祥瑞荅曰秋花照眼明僧曰泉聲
 中夜後山色夕陽時荅曰錯認定盤星僧禮
 拜
 師乃云時康道泰天清地寧一人端拱無為
 萬物各得其所巖間野客悉荷皇恩唱太平
 歌和村田樂何必麒麟現瑞鳳凰來儀但願
 帝道平平自然風物楚楚且知息報息一句

作廢生卓拄杖云妙唱以資天子壽爐煙為
 瑞國風清
 復舉本朝太宗皇帝因入大相國寺見僧看
 經問曰卿看甚麼經對曰仁王護國經帝曰
 既是寡人經因甚在卿手裏僧鞠躬退身不
 對雪竇曰皇天無親惟德是輔師云太古
 鑑高懸無私不燭者僧鞠躬不對經皆歷然
 雪竇道皇天無親惟德是輔又作廢生卓拄

杖四海盡歸皇化裡三邊誰敢犯封疆
當晚小參僧問言言言言雷轟電掣藕絲孔裏騎大鵬等閑挨落天
邊月未審何人得此機用答曰頭長三尺知
是誰相對無言獨足立僧曰恁麼則九重城
裏大播芳猷答曰也是波斯入關市僧曰王
常侍訪臨際游僧堂次曰這一堂僧還看經
否際曰不看經此意如何答曰酒逢知己飲

常侍曰還習禪否際曰不習禪又作麼生答
曰撥亂乾坤致太平僧曰常侍言既不看經
又不習禪畢竟作箇甚麼際曰總教伊成佛
作祖去此意如何答曰臨際老兒性命落在
常侍手裏僧曰今夜忽有箇衲僧出來道捉
敗了也又作麼生答曰你捉敗常侍捉敗臨
際僧曰總不恁麼答曰畢竟作麼生僧便喝
答曰甜瓜生得苦葫蘆僧曰不因天目近那

覺斗牛寒荅曰切忌亂針錐僧禮拜
師乃云五峯孤峭萬壑雲寒人人懷報佛祖
之恩箇箇具辨龍蛇之眼全賞全主全放全
收向威音那畔別立生涯於空劫已前突出
自己目機鉢兩舉一明三不涉化儀如何相
見卓拄杖白鳥望中沒青山斷處幽
復舉當山國一禪師因馬祖遣僧馳書至書
中作一圓相國師啟緘見之遂於圓相中箸

一點封回師云可惜許當時只好留在案上
一任日炙風吹非唯坐斷馬祖舌頭亦使天
下衲僧無摸索處事既往矣還有爲國師拔
本底麼卓拄杖
上堂山高水深雲閑風靜佛法至妙妙在中
和中和則且置賓主歷然又作麼生卓拄杖
拾薪汲澗煎茶外倚杖閑看雲去留
謝兩班上堂舉石頭示眾云言語動用沒交

涉藥山云非言語動用亦沒交涉頭云我這裏針劄不入山云我者裏如石上栽花師云智與師齊戒師半德智過於師方堪傳受且於中優劣處還有人緇素得出麼卓拄杖開爐上堂舉百丈因瀉山侍立深夜丈云看爐中有火否瀉撥之云無丈躬撥之得小火云你道無這箇是甚麼瀉山當下悟去師云洞房花燭夜金榜挂名時是則一時快意當

時若用再參馬祖底瀉山門戶未至寂寥上堂舉仰山在瀉山牧牛時踢天泰上座問云百億毛頭百億獅子現作麼生仰不答歸侍立瀉山次忽泰上座來仰云適來問百億毛頭百億獅子豈不是上座泰云是仰云正當現時毛前現毛後現泰云現時不說有前後仰山拂袖便出瀉山云師子腰折了也師云仰山祇要瀉山證明自謂暗地裡得便宜

泰上座當時待他問毛前現毛後現但仰天
大笑一聲仰山要拂袖出去也未得在
上堂人人知有此一段生死底話頭至於進
退揖讓語言酬酢歷歷分曉因甚困去便不
知落處設有能作夢中佛事者猶如暗中取
物且道病在那裏今日徑山不惜眉毛普為
諸人去此障礙使俱到平實田地受用無窮
還信得及座卓拄杖自携瓶去沽村酒却着

衫來作主人

上堂佛法在正不在乎盛在正則鬼神莫測
其由在盛則鬼神能妬其福五峯固是不屬
其間因甚終日區區地擊拂子霜葦岸頭雙
屬玉一聲清響忽驚飛
謝新薦巖寶葉長老上堂崑山片玉桂林一
枝不足為貴水邊林底三四年說東話西
此之為貴也更有松源三轉語此行茂苑為

流通^{世言}

上堂舉紫胡和尚示衆云三十年来住紫胡
二時粥飯氣力粗無事上山行一轉借問時
人會也無師云紫胡年老心孤東行西行又
問人道會不會徑山崇罔峻嶺列在面前又
值雪寒但未得去待春融也須行一兩遭只
是不問人會不會何故擊拂子水月以喻号
古來已多我今不然号所陳伊何參

冬夜小參僧問冬至一陽生東山水上行時
節因緣願聞法要荅云也只是一定之法僧
云既是東山水上行因甚麼却成一定之法
荅云老僧口是禡門僧云洞山冬夜果子次
問首座有一物黑似漆常在動用中動用中
收不得且道過在什麼處座云過在動用中
洞山令掇退果卓此意如何荅云官馬厮踢
僧云今夜和尚忽然問首座有一物黑似漆

常在動用中，動用中收不得，且道過在什麼處？徑山首座亦云：過在動用中，又作麼生？荅云：與他兩盤果子。僧云：只如洞山掇退果卓，徑山又添一盤，還有優劣也？無荅云：蓋他是箇檐板漢。僧云：學人今夜借大眾威光，別置一問，得麼？荅云：偷心鬼子，得人憎，僧便喝。荅云：果然，僧禮拜。

師云：日短夜長，昏運新添，一線高來，低去，洪

鈞轉目九淵，陰魔潛伏，道芽生陽氣，發時無硬地，使得十二時辰，底元酒太羹，聊旌薄禮，被十二時辰，使底漏危瓦，釜尚且不甘，任教蒟管吹灰，箇裏本無迂謝，驀然有箇漢出來，道：老師情量未脫，被二十四氣，使得七巔八倒，山僧只得休去，何故家肥生孝子，國霸有謀臣。

復舉馬大師問藥山子：近日見處如何？山云：

皮膚脫落盡唯有一真實祖云子之所得可謂協於心體布於四肢既然如是何不將三條篋束取肚皮隨處住山去山云某是何人敢言住山祖云未有長行而不住未有長住而不行欲益無所益欲爲無所爲宜作舟航勿久住此師云馬大師借手行拳咒詛他家兒女且道藥山因甚不肯承嗣馬祖出來下一轉語者不然來夜請首座對衆說破

謝首座上堂佛祖慧命危若懸絲不求開土垂範後昆何以挽回叢林元氣南巖老子鏡空禪師鏡本無私因形而顯空本無跡因象而彰豈知衆德所歸慰此羣情鶴望龍驤雲起虎嘯風生
除夜小參僧問年窮歲逼烏龜上壁豈不是和尚語師云年老心孤暫時狼藉僧云還有轉身處也無師云有則有無你箸脚處僧云

大似徑山門下客。師云：多少人錯領話頭。僧云：北禪烹露地白牛。分歲和尚今夜將什麼。與諸人分歲。師云：東山下左邊底僧云：焦麼。則大衆飽德去也。便禮拜。師云：貪多嚼不細。師乃云：年窮歲盡，東村王老夜燒錢，臘盡春回，樓上有人頻勸酒。以此發揮佛祖不傳之妙。以此契證衲僧衣下之功。無論革故鼎新，只要知時識節，且結交頭一機。如何顯露卓。

拄杖惟愛清臺新曆日，懶觀韓子送窮文。

問所

唐
卷
十三

